

INGEZONDEN

In memoriam Dr. Antonito 'Mito' Gordiano Croes

Omdat Mito Croes een bekend politiek figuur is, heeft de redactie besloten om deze Papiamentstalige ingezonden in zijn geheel te plaatsen. Dit betreft een uitzondering. Brieven mogen normaal maximaal 600 woorden bevatten, ze moeten voorzien zijn van naam en woonplaats (worden gepubliceerd) en adres en telefoonnummer (niet voor publicatie, maar ter verificatie). We accepteren alleen digitaal gestuurde brieven. Ons e-mail adres is: arubaredactie@amigoe.com.

PALABRANAN NUNCA ta bastante pa por expresa sentimentonan manera nos ta desea pa nan wordo expresa. Tampoco nunca lo tin bastante palabra pa esaki. Den e caso aki palabranan ta keda falta....

10 mei 1946 - 7 augustus 2016

Poco ta esnan cu tin un curriculum vitae asina largo y impresionante manera dr. Mito Croes. Den su bida relativamente cortico, pero hopi ocupa te na su ultimo momentonan, Mito Croes a contribui grandemente na su pais, su Aruba stima. Mito su sabiduria y su inteligencia no tabata conoce limite, mescos cu su lealtad. Un experto y consehero cu no conoce su igual riba tereno estatal Mito Croes a uza su conocimiento y su otro virtudnan na disposicion di su isla y su hendenan. Hopi loke nos tin awe ta danki na Mito Croes. Schouder cu schouder, Mito hunto cu Henny Eman y Watty Vos a forma e base solido riba cual partido AVP a bay campaña na 1982. Un periodo unda Aruba tabata pasa den temponan turbulento. Mito tabata e compas riba cual partido tabata confia, e tranquilidad cu tabatin mester pa por a guia e lucha di Status Aparte na un bon realisacion. Na 1982 Mito Croes a drenta activamente arena politico. Un tempo cu sin duda tabata conoce su retonan. Na 1982 AVP a haya e oportunidad pa drenta den Gobierno Central y den e periodo aki Gobierno Central a declara di ta sostene e lucha di Aruba su Status Aparte. Na 1986 Aruba a haya su Status Aparte y e Plan di Rescate a mira luz di dia. Un plan cu a funciona perfectamente den cual por a mira e vision cu a crusa frontera di esnan na cabes di partido, Henny, Mito y Watty. Un plan cu a pone Aruba bek riba pia den temponan temeroso. Despues cu Henny a retira como lider di partido Mito Croes a para banda di Mike Eman y tabata su mentor den varios di su decisionnan

importante. Un hende skerpi den su comentario y analisisnan. Mito a mira e actual lider di AVP y Minister President Mike Eman como un producto di su influencia y formacion di cual e tabata orguyoso. Ananan largo Mito Croes a yuda forma e hoben activista Mike Eman, converti den e hoben politico, lider di partido AVP y despues Minister President, cargando hopi di e ideanan di Mito te na Parlamento Europeo, Tweede Kamer, Eerste Kamer y na United Nations. Dia Mito Croes a doctora dilanti professor Hirsch Ballin el a invita Mike Eman pa ta su testigo (paranimf) di e momento grandi y emocionante aki. Mito a duna Minister President Mike Eman e miho guia y sosten cu un lider cu tanto responsabilidad por soño di por tin. Banda di tur esaki un amistad leal cu sin duda a resalta durante e welga di hamber di Prome Minister. Na e momento ey Mito Croes a drenta den un bataya constitucional fuerte cu gobierno di Hulanda, hustamente na e momento cu e mester a worde nombra como miembro di Raad van State. Pero pa Mito posicion no tabata importante, pero para hunto cu su pupil Mike Eman, para cu e Prome Minister di Aruba y para pa e autonomia di su pais na cual e a dedica parti grandi di su bida, tabata importante.

Prome Minister y lider di portido Mike Eman tabatin a base diario contacto cu Mito Croes, kende tabata consel'e den asuntunan dificil. Durante e ultimo añanan aki Mito Croes a fungi como e wes'i lomba di partido y ora gobierno tabatin mester di dje pa asuntunan di vital importancia, e tabata tey, cla pa duna su conseho. Hopi logro Mito tin riba su number. Asina Mito Croes a hiba e proceso na Raad van State na Hulanda y na Corte di Husticia di Union Europeo na Luxemburg den nomber di e miembronan di Parlamento di Aruba pa partido AVP mr. Mike Eman y Benny Sevinger. E proceso cu a conduci na reconocimiento di e derecho di voto pa Parlamento Europeo di Arubiano y Antianonan. Mito a studia Ley na Tilburg. Post graduado: International Protection of Human Rights na Instituto International des Droits de l'Homme, Straatsburg, Francia. Na 2006 Mito Croes ta doctora na Universidad di Tilburg, cu su Tesis 'De herdefinering van het Koninkrijk'. Mito a gradua pa e curso di Mediation y ta inscribi como mediador na Nederlands Mediation Instituut. Durante su bida Mito Croes a ocupa varios puesto den comision,

fundacion y gruponan di trabou. Asina e tabata Presidente Beroepscommissie di cuido social Aruba, Presidente Fundacion Nationale Parken Aruba, Presidente Stichting Katholiek Onderwijs Aruba y Presidente Grupo di trabao 'Deugdelijkheid van Bestuur'. Referendaris na departamentu di Asuntunan General y Huridico, alabes hefe suplente di departamentu di Asuntunan di Legislacion y Constitucional. Director di Departamentu di Structura Estatal di e islanan di Antiyas Hulandes. Docente den 'Staats- en Bestuursrecht' na Universidad di Antiyas Hulandes. Mito Croes a ocupa varios funcion politico. E tabata Miembro di Parlamento pa Partido AVP (Antiyas Hulandes). Minister di Structura Estatal y Minister di Husticia (Antiyas Hulandes). Minister di Asuntunan Bienestar General (Aruba). Miembro di Parlamento pa partido AVP (Aruba) y Minister Plenipotenciario di Aruba na Hulanda. Te cu mei di e aña aki Mito Croes tabata miembro di Raad van State, e organo mas halto y influyente den Reino Hulandes. Mito Croes a wordo Condecora na 1978 dor di e Presidente di Republica di Venezuela den Ordo Fransisco de Miranda y condecora na 1990 dor di Su Mahestad como Ridder in de Orde van de Nederlandse Leeuw. Publicacionnan cientifico di dr. Mito Croes ta demasiao hopi pa menciona tur. Esnan mas importante ta 'De weg naar Status Aparte', nov. 1983, Doño di nos propio destino; Aruba en haar recht op zelfbeschikking (hunto cu dr. Robertico Croes) 1990. Statuut: Vrijheid en Zekerheid Uitgave AVP, 1991. Deugdelijkheid van Bestuur in kleine landen: Good Government, bad politics. Rapport Calidad, hunto cu mr. H. Fransen, mr. N. Henriquez en drs. F. de Kort, Koninkrijksrelaties in het tweede millennium: Omzien in verwondering, Bundel Breekbare Banden, 1998, Deugdelijkheid van bestuur: een leerproces? Forensische Studies, Deel 5 Aspecten van integriteit, 2001, Integriteit en publiciteit. Uitgave Universiteit van Aruba. Reinventing het Koninkrijk. Het Koninkrijk in domino-perspectief. Gedenkboek 50 jaar Statuut. Liber Amicorum Gouverneur Olindo Koolman. De desintegratie van de Nederlandse Antillen. Ars Aequi april 2007. Kiesrecht en Koninkrijksparlement. In Nieuwe verhoudingen in het Koninkrijk der Nederlanden. Uitgave van de Universiteit van Utrecht (2008).

Mito ta laga atras su sra. Rosita Madari, su yiu Pieter,

rumannan y demas famia. Partido AVP, Gabinete Mike Eman y tur otro cu a conoce e homber remarcabel aki di cerca y cu el a touch nan bida. Drumi dushi Mito. Nos ta bay sinti bo falta.

Mito a mira e Lider y e Minister President Mike Eman tambe como un producto di su influencia y formacion di cual e tabata orguyoso.

Añanan largo e a yuda forma e hoben activista Mike Eman, pa e hoben politico, despues lider y despues Minister President, cargando hopi di e ideanan di Mito te na Parlamento Europeo, Tweede Kamer, Eerste Kamer y te na United Nations. Dia e a promove pa bira Dr. Mito Croes dilanti professor Hirsch Ballin e a invita Mike Eman pa ta su testigo di e

momento grandi aki. Mito a duna nos Minister President Mike Eman e miho guia y sosten cu un lider cu tanto responsabilidad por Sonja di tin. Y banda di tur esaki un amistad loyal cu sin duda a resalta durante e welga di hamber di Prome Minister. Na e momento ey Mito Croes a drenta den un bataya constitucional fuerte cu gobierno di Hulanda, hustamente na e

momento cu e mester a worde nombra como miembro di Raad van State. Pero pa Mito posicion no tabata importante, pero para hunto cu su pupil Mike Eman, para cu e Prome Minister di Aruba y para pa e autonomia di su Pais na cual e a dedica parti grandi di su bida.

AVP,
Aruba